

## **INTRO**

### **Mirsad Hadzikadic and His Campaign Team Continue Their Grueling Pace as the Presidential Election is Less Than a Week Away**

Winding down is not a phrase familiar to or accepted by Mirsad's campaign as the election on October 7 is now under a week away. The remaining days are filled with media interviews both in Bosnia and via Skype in the US, face-offs or debates and rallies. Tonight, October 3, he will hold a rally here in Sarajevo, the capital and largest city in Bosnia and Herzegovina. The rest of the week is then consumed with another rally in Zenica, and yet another nationally televised debate on Friday, October 5. Mirsad took a moment with me to look at the next few days before the election.

### **Mirsad Hadžikadić i njegov tim za kampanju nastavljaju žestokim tempom, sa predsjedničkim izborima koji će se održati za manje od sedmicu dana**

Usporavanje je nepoznanica u Mirsadovoj kampanji, jer su izbori zakazani za 7. oktobar do čega je preostalo manje od sedmicu dana. Preostali dani ispunjeni su medijskim intervjuima, kako u Bosni tako i putem Skype-a u SAD-u, sučeljavanjima ili debatama i skupovima. Večeras, 3. oktobra, on će održati skup ovdje u Sarajevu, glavnom gradu i najvećem gradu Bosne i Hercegovine. Ostatak sedmice je ispunjen još jednim skupom u Zenici te nastupom u televizijskoj debati u petak, 5. oktobra. Mirsad mi je posvetio nekoliko trenutaka kako bismo razgovarali o nekoliko narednih dana pred izbore.

## **PODCAST**

### **Clark Curtis:**

Posljednja je sedmica pred izbore. Imaš još debata, imaš još nastupa. Razgovarajmo o tome.

### **Mirsad Hadžikadić:**

Da, bit će naporno. Imam mnogo nastupa na televiziji, debata, skupova. Bit će naporno. Vjerovatno ćemo nekoliko noći prespavati u hotelu, a većinu vremena spavam u automobilu dok putujem iz jednog grada u drugi. Najteži dan će biti srijeda kad imam tri nastupa na televiziji, jedan nastup na radiju i jedan skup u Sarajevu, a noć prije ćemo se automobilom vratiti sa skupa u jednom drugom udaljenom gradu. Dakle, ne znam. Jedina stvar koja mi fali je san. Ne znam kako će to proći, ali radi se o jednoj, jedinoj preostaloj sedmici, koja će biti ključna. Moram razmisliti o svakom tom skupu i nastupu kao o prilici da probudim naciju, i ako je potrebno šokiram naciju kako bismo uradili pravu stvar. A te šokove moram da planiram, i potreban mi je još jedan. Vidjet ćemo, ali nadam se da ću to uraditi na posljednjem nastupu u petak, 5. oktobra. Bit ću na državnoj televiziji i moram odlučiti šta ću reći. Bit će brutalno, naporno, i prelijepo u isto vrijeme, i radujem se osmom oktobru, nakon izbora, da tu noć, nadam se, odspavam malo duže. Vidjet ćemo. Ali, moram ti reći da zaista cijenim što si došao ovamo, što si došao u Sarajevo da provedeš vrijeme s nama i da na terenu vidiš kako se radi, i da budeš s nama i vidiš kako politika ovdje izgleda, i kako jedna kampanja ovdje izgleda. Zaista cijenim tvoje prisustvo ovdje kao prijatelja, i hvala ti.

### **Clark Curtis:**

Hvala i tebi što si dopustio da budem dio ovoga.

### **Mirsad Hadžikadić:**

Hvala.